

# SPORTSKI AUTO – MOTO SAVEZ BOSNE I HERCEGOVINE (SAMS BIH)

## DODATAK OPŠTEM PRAVILNIKU O ODRŽAVANJU UTRKA UBRZANJA NA 402 METRA U SKLOPU ŠAMPIONATA BIH I OTVORENOG PRVENSTVA BIH - PRAVILNIK O LICENCIRANJU -

### OPSTE ODREDBE

#### Član 1.

Ovaj pravilnik služi kao dodatak Opštem Pravilniku o održavanju utrka ubrzanja na 402 metra u sklopu ŠBiH i OP BiH na nivou Bosne i Hercegovine.

#### Član 2.

Ovim pravilnikom određuje se način licenciranja takmičara i klubova za Šampionat Bosne i Hercegovine I Otvoreno Prvenstvo Bosne i Hercegovine u trkama ubrzanja na 402 metra .

### USLOVI ZA LICENCIRANJE

#### Član 3.

Klubovi koji predaju zahtjev za licencu za Šampionat moraju biti registrovani na teritoriji Bosne i Hercegovine. Dokaz o registraciji je Rješenje o registraciji i ID broj.

#### Član 4.

Takmičar koji predaje zahtjev za licencu mora biti član licenciranog kluba.

4.1. Pojedincu nije dozvoljeno da dobije licencu, ukoliko nije član licenciranog kluba.

#### Član 5.

Postojeće licence klubova i takmičara koji se već takmiče u nekoj od disciplina priznatih od strane SAMS BiH validne su za Šampionat BiH u utrkama ubrzanja na 402 metra i nije potrebno vaditi dodatnu licencu.

### NAČIN LICENCIRANJA

#### Član 6.

Licenciranje takmičara iz BiH vrši se putem godišnje licence klubske ranga sa kojom takmičar može nastupiti na utrkama u BiH ukoliko ispunjava ostale uslove propisane Opštim i tehničkim pravilnikom.

#### Član 7.

Klub se licencira na način da podnese zahtjev za licenciranje kod nadležnog krovnog saveza SAMS BiH (ili shodno uputama saveza SAMS FBiH ili SAMS RS).

Nakon popunjenih formulara koji su dostupni i putem internet stranica saveza ili putem stranice [www.bihamk.ba](http://www.bihamk.ba) klub je dužan poslati dokumentaciju (rješenje o registraciji, id broj) i zahtjev za licenciranje poštom ili dostaviti lično komisiji za licenciranje (adrese se nalaze na stranici BIHAMK-a).

Član 7.1. Zajedno sa kompletiranom papirologijom klub je dužan poslati ili dostaviti i dokaz o plaćenju naknadi za izdavanje godišnje klubske licence (iznos se utvrđuje prema važećem troškovniku SAMS BIH)

Član 8.

Takmičar podnosi zahtjev za licencu preko svog kluba (ili klub za svoje takmičare pojedinačno). Nakon što je ovjerio svoju godišnju licencu klub može podnijeti zahtjev za izdavanje takmičarskih licenci za svoje članove – takmičare.

8.1 Takmičari su dužni popuniti obrasce za licenciranje, koje klub zajedno sa potvrdama o izvršenim uplatama za naknadu za izdavanje godišnje takmičarske licence i slikom takmičara dostavlja komisiji za licenciranje (iznos se utvrđuje prema važećem troškovniku SAMS BiH).

8.2. Broj takmičara koje jedan klub može licencirati nije ograničen.

Član 9.

**Takmičari mogu podnijeti zahtjev za licencu i na dan takmičenja, ukoliko ispunjavaju sve ostale uslove propisane pravilnicima vezanim za SBiH I OPBiH.**

(STRANI TAKMIČARI I KLUBOVI)

Član 10.

Takmičari i klubovi koji nisu registrovani na teritoriji Bosne i Hercegovine nemaju pravo nastupa na Šampionatu BiH, ali **imaju** pravo nastupa na Otvorenom Prvenstvu BiH koje se vozi isti dan kao i Šampionat. Licence koje strani takmičari i/ili klubovi moraju predložiti su licence izdate od nadležnih organa u zemljama iz kojih dolaze ili zahtjev domaćeg (BH) kluba za licenciranje stranog takmičara za nastup na trkama OP BiH. U skladu sa članom 9. I strani takmičari mogu na dan trke podnijeti zahtjev za licencu.

VERIFIKACIJA

Član 11.

Licencirani klubovi i takmičari bit će obaviješteni blagovremeno o datumu i mjestu održavanja tehničkog pregleda takmičarskih automobila i verifikacije prije početka sezone.

10.1. Strani takmičari proći će verifikaciju na dan takmičenja.

ZAVRŠNE ODREDBE

Član 12.

Za odvijanje i realizaciju utrke mjerodavan je Opšti Pravilnik o održavanju utrka ubrzanja na 402 metra objavljen od strane organizatora Šampionata na službenim stranicama saveza i BIHAMK-a i organizatora takmičenja na [www.402.ba](http://www.402.ba).

Ovaj dodatak reguliše odredbe o licenciranju za takmičare i klubove u sklopu Šampionata Bosne i Hercegovine u utrka ubrzanja na 402 metra.

Svi takmičari su dužni poznavati odredbe Opšteg pravilnika i ovog dodatka opštem pravilniku i pridržavati se istih, a nepoznavanje odredaba Pravilnika može za sobom povući jednu od predviđenih sankcija.

Za tumačenje Pravilnika nadležan je Organizator Šampionata/Otvorenog Prvenstva.

Član 13.

Ovaj Pravilnik stupa na snagu danom donošenja.